



## Алёна Шомысова

Алёна Шомысова чужис 1986 воё Кулёмдін районса Скөрөдүм грездын. Помаліс Сыктывкарса государственной университет, коми филология факультет. Лэдзис «Дзар» (2011), «Чёв!» (2012) да «Юрсигусь бордьяс» (Эстония, 2014) небөгъяс. Уджалё Ю.А. Спиридонов нима «Коми Республикаса Юралысь бердын искусство гимназияын» коми кыв да литература велөдысьён.

## Мөрлөн керка

### Мөрс



Важ ковтём көлуй лөскө\* талун каті,  
И баблөн чөрссыс ки улө мен сюри.  
Сэк дум вылам пыр воис сійө кадыс,  
Кор печкөм сайын рытыс баблөн тюрис.

Гөрд джоджын чөрссыс чожа йөктіс-шургис  
Да мургис кудель печкысьяслысь сьылан.  
И шойччысь кань моз лөсьыдысла кургис,  
Кор артмөм шөртсө быдмаліс ас вылас...

Кузь олөм чөжыс бабөн печкөм шөртыс  
Ас нэм кузьтаыс, йитны кө, оз ло мөй?  
А гашкө, бабөй збыльысь печкис-пөртіс  
Чөрс вылас гартчысь шөртас асьыс олөм?

Но өні сьлөн чөрссыс лои ковтём  
И мудзём төв моз другысь быттьө раммис.  
А уджавтөгыс сійө быттьө ловтём,  
Өд печкынысö некод нин оз сяммы.

Но чөрслөн швыргөм юрам век на кылө,  
Чус\*\* кодкө водзө лоан кадсө нөдө  
И менсьым да и йөзлысь олөм-вылөм,  
И, кодлөн мыйта лоө, водзвыв төдө.

А гашкө, тайө чөрссыс – ота ылдөс,  
И Енкөлаыс бергалө сы гөгөр.  
Но кытшсө артавны оз судзсьы лыдпас,  
Дай некод оз куж Енкөлаысь өтдор.

Но эм-ө кодкө Енкөласө кутысь,  
Код сылысь нэмсө водзвыв аддзө-төдө?  
А гашкө, сійө збыльысь артмис чутысь  
Да помтөг содө ыджыд-ыджыд өдөн?

Дзик вермас лоны, Енкөлаыс коркө  
Друг чинас да и пөртчас көдзыд руө.  
И миянлөн му вылысь олөм торкас  
Да нуас кадсө аскөдыс съөд гуө...

Морт бөрын веқджык көлуй-эмбур кольө,  
Но вөдитчысьтөг олөмныс тшөтш орө.  
А бабөй йылысь өні меным дольө  
Важ чөрсыс юрам ловзьөм шурган горөн.

И менам, гашкө, коркө нучка лоас,  
Но оз нин кывлы печкан чөрслысь шургөм,  
А баблөн керкаө кө коркө быттьө воас,  
Чөв-лөньыс сылы мөд ног воссяс-юргас.

\* Лөс – чардак.  
\*\* Чус – быттьө.


## *Merkan*

Пөчөй надзөник өшиньыс водзын печкө-печкө,  
Кужысь чуньяснас кыскө кудельсьыс вөсни сунис,  
Быттьө шондісьыс төвся ывлаыс югөр пычкө,  
Медым шонтыны сиктса войтырөс көдзыд лунас.

Тайө печканыс, көнкө, нэм сайын кымын чужис,  
Пөрысь пөчөй на ськөд рытпукліс пеша водзас.  
Пөчлы мамсяньыс тайө печканыс коркө вуджис,  
Баба рөдныслысь печкан киподсө медым видзас.

Лоптыс кадысла ёна чусмөма, быттьө образ,  
Посни чукыръяс сайын руын моз төдчө чужөм:  
Гашкө, пөчөлөн пөчыс олөм помасьөм бөрас  
Сэтчө кольччис, мед төдны, бура-ө вужъясис кужөм.

Пөчлөн нылыс эз чужлы – некодлы видзны удж ловсө,  
Дзикөдз печканыс воймис – тайкө лөс пемыдын сылас.  
Но быд аддзысьліг, сылысь кор малышта сарөгөсь лопсө,  
Быттьө пөчлысь чукырөсь бан боксө киөн кыла.





## Потан

Рудзөг рёма потан  
дзуртан лайкан помын  
катликасьö-легö,  
бытьтö ветки пыж.  
Потан-пыжсö кыскö  
гыяс-вояс вомöн  
нэмöвöйся вöтлөн  
гумыльга кодь кытш.

Тайö вöтыс кывйөн,  
Важся пöль-пöч кывйөн  
лайкан пукöд дзуртö  
кагаыслы мойд.  
Тайö вöтыс тывйөн,  
кодзув сера тывйөн  
Енкöласьыс öктö  
ыджыд мөвплысь войт.

Кагаыслы мөвпыс  
сьөлөм шөрöдз сөдзö,  
разалö лов пасьта  
пöль-пöч кывлөн вын.  
Сöмын воысь воö  
потан-пыжыс öддзö,  
кытчöдз важся вöтлөн  
помöдзыс оз сын.


## Джодждöра

Джодждöра пансигөн кодлыкö гөрддзасьö туй,  
Став дöра вöньыс йитчöны öтувъя серö,  
Бытьтöкö нэмъяс пыр чукльöдплысь некымын ю  
Кыöны олөм подувлысь тыдавтөм сюрöс.

Стан улын джодждöра нюжалö – визь бöрся визь,  
Топöдö-содтö войвывса мусерлысь рөмсö:  
Мугöмгöрд кыа да ытшкөм туруна видз,  
Пожöма яг да войся енэжлысь сьöмöс.

Джодждөра эштө, и вольсасьө керка пос  
 Виль серакотша да гөрөдөсь векни туйөн.  
 Сы вывті тувчалө кага, и олөм-ю моз  
 Визьяссө вуджө, быттьөкө гыяс пыр уйө.

Верстяммө морт, и джодждөра содтөг оз ов.  
 Тыдавтөм ордымөн водзвылас тюрө-туө.  
 Кытөнкө – сконъявлө, кытөнкө – кыпөдө лов,  
 Олөмсө мортыслысь, сунистор быттьө, нуө.



## Нистан

Пөчкөд бара на шырам баляөс карта водзын,  
 Тэчөм вуруныс юра кымөрөн быдмө дозьяс.  
 Он и казьявлы, кыптас сынөдас енэж соддзын.  
 Но ме бөр сійөс личка-топөда дзескыд позьяс.

Төвся асылө унмөй палялас дзижган шыысь:  
 Вөсни тувьяса нистан мольөдө дзугсьөм вурун,  
 Быттьө сьөкыда куртө вутшкөссьөм кушин вылысь  
 Тшөкыд пиньяса куран – төлалөм-косьмөм турун.

Нистөм вурунсө пөчөй газетьяс вылө тэчө,  
 Сэссия топөдөм могысь вылысас улөс пунктө.  
 Сёысь видзөдла луннас, вуруныс кор нин лэччас,  
 Кыдзи тулыснас помтөг виччыся гарьяс туктөм.

Нистан саялас джаджйө, уджыс кор пөчлөн эштас,  
 Пондас артавны водзө лун-войсө ыжьяс шыртөдз.  
 Артмөм вурунсө керка пельсө пөчөй вештас,  
 Медым шойччөдны өти чукөрын печкан пырттөдз.

## *Сера палич*

Кадыс вөрзёдө вajas калич,  
Медым лэбөдны нэмъяс вомён,  
Бытьё гранкиа сера палич  
Разьё шылялём дөра пома.

Воссё водзвылын войтыр олём,  
Сійёс чукльөдлысь юөн нуё  
Миян пөляслён ыджыд колём:  
Лоны вынаён чужан муын.

Сөмын юыс тай өні ямө  
Либө воргасө ассъыс вежө.  
Тадз и миянлөн сямыс раммө,  
Да и важыскөд мунам вежөн.

Сера паличөн өнія кадыс  
Мырдөн быгыльтчө миян мывтi, –  
Со и рузмунө олан ладыс,  
Мыджтём чипас моз муё гывдө.

